

Izjava OHR-a na konferenciji za medije međunarodnih organizacija

OHR poziva na donošenje Zakona o javnim sredstvima

Kao što vam je poznato, nakon otkrića sadržanih u izvještajima koje je objavio specijalni revizor prošle godine o poslovanju javnih preduzeća u BiH, trojica premijera su se obavezala na uvođenje brzih i efikasnih reformi kojima će se spriječiti da mali broj dobro situiranih pojedinaca otuđuje ili zloupotrebljava sredstva koja pripadaju građanima BiH.

Jedna od ovih reformi rješava se u okviru entitetskih zakona o investiranju javnih sredstava, kojim će se osigurati da sve investicije na svim nivoima vlasti budu u skladu sa jasnim i provodivim kriterijima. Na državnom nivou, investiranje javnih sredstava će se riješiti novim državnim Zakonom o finansijama.

Na osnovu ovih zakona vladina odjeljenja mogu investirati javn sredstva samo putem investicionog upravitelja, koji mora biti ovlašten i poznat. Drugim riječima, političar ili državni službenik ne može jednostavno odlučiti da uloži veliku sumu javnog novca u neku banku samo zato što ima osobne veze sa tom bankom. Pored toga, odjeljenja vlade su dužna podnositi izvještaje o rezultatima svih investicija enitetskom ministarstvu finansija.

U ovim zakonima nema ništa kontroverzno. Oni predstavljaju sigurnost sredstava građana i zaštitu njihovih interesa. Ovaj zakon je već usvojen u NS RS u prvom čitanju. Međutim, Ministarstvo finansija Federacije BiH još ga nije dostavilo Vladi. Sve dok postoji ovo odugovlačenje postoji mogućnost zloupotrebe i građani i dalje trpe posljedice.

OHR poziva ministra finansija Federacije BiH Dragana Vrankića da zajedno sa dužnosnicima iz Ministarstva izvrši uvid u nacrt ovoga zakona da bi se bez odlaganja mogao dostaviti Vladi Federacije. Što prije do ovoga dođe Vlada ranije može uputiti zakon u parlamentarnu proceduru i Parlament može ranije usvojiti zakon. Tek kada se ovo dogodi građani će biti zaštićeni.

Prvi zamjenik VP Hays u posjeti općinskim dužnosnicima u Jajcu

Prvi zamjenik visokog predstavnika, Donald Hays, sutra će boraviti u posjeti Jajcu, što je jedna u nizu posjeta općinama koje je ambasador Hays do sada izvršio širom BiH, u toku kojih je saslušao izazove sa kojima se suočava općinsko osoblje u naporima unapređenja pružanja usluga građanima.

Ambasador Hays će se u Jajcu sastati sa načelnikom Brankom Čavarom i drugim predstavnicima lokalnih vlasti prije posjete bolnici u Jajcu. Rukovodioci ove bolnice bore se da osiguraju pružanje medicinskih usluga općini Jajce i širem regionu ali ih u ovim naporima ometaju nadležnosti Federacije koje se preklapaju sa njihovima, kao i kantonalna i općinska uprava.

Ambasador Hays i načelnik Čavar će također posjetiti džamiju u centru Starog grada, kulu sv. Luke i franjevački samostan. U toku dana ćemo izdati obavještenje za medije sa detaljima medijskih aktivnosti u toku ove posjete.